

آبونه شرائطی : هریر ایچول  
سنه لکی (۴۰۰) آلتی آیلنی  
(۲۲۵) ممالک اجنبیه ایچون  
سنه لکی (۴۵۰) ، آلتی آیانی  
(۲۵۰) غروشدور .

نسخه سی ۷,۵ غروشدور .  
سنه لکی ۵۰ عددور .

اداره خانه : باب عالی جاده سنده  
رشید افندی خاتمه

اخطارات

آبونه بدلی پشیندر .

مسلكه موافق آثار مع الممنونیه  
قبول اولتور . درج ایدله یین  
یازیلر اعاده اولماز .

# المجله

۱۳۳۰

آدره من تبدیلنده ایریجه  
غروش کوندربلیدر .

مکتوبلرک امضاری واضح  
واوقوناقلی اولسی و آبونه  
صره نومروسی محتوی  
بولونسی لازمدر

ممالک اجنبیه ایچون آبونه  
اولانلرک آدرسلیرنک  
فرانسه زجه یازلسنی رجا اولتور .

پاره کوندردلیکی زمان نهیه  
داثر اولدیفنی بیلدیرلسی  
رجا اولتور

اتبعون اهدکم سیل الرشاد

صاحب و مدیر  
اشرف ادیب

باش محرر  
محمد ماکف

والله یهدی من یشاء الی صراط مستقیم

\* پنجشنبه \*

۱۰ کانون ثانی ۱۳۴۰

۳ جادی الاخری ۱۳۴۲

عدد ۵۸۳

جلد ۲۳

ینه وقت غزته سندن :

« سلائیکه (دونه) نامی آلتنده طائش اولان برقم امالینک مبادله مقاولهسی موجبجه تورکیه یه نقلاری لازم کلوب کله دیکی کونک مسئلهسی اولشدر. مبادله مقاولهسی تماماً دین اساسی اوزرینه عقد ایدیلشدر. بناء علیه سلائیکه، ویاخود یونانستانک دیگر اقسامنده بولونان اهالی ایچنده - قانونیک عربلرده اولدینی کبی - مسلمان اسمی ایله موسوم اولسلرده حقیقته موجود وممین مذاهب اسلامیه دن برینه داخل اولمایان بر قسم خلق وارسه بولری تحقیق ایتک ومبادله دن خارج طومق حکومتک حق ووظیفه سیدر. »

\*\*\*

وطن غزته سی صاحبی احمد امین بک کندی عرقداشی اولان رشدی بکک دونمه لک مذهبی حقنده افشا آتده بولونمسندن طولانی بک زیاده متأثر اوله رق رشدی بک علمینده شدتلی نشریاتده بولونمش؛ رشدی بکی مجنون ومسرف کوسترمک ایسته مشدر. طنین وآقشام غزته لری ده هر نه دنسه دونمه لری مدافعه ایتمشدر. اقدام وتوحید افکار غزته لری بوخصوصده بیان مطالعه ده بولونمامشدر. (وقت) غزته سنک تحقیقاته مستند نشریاتی (وطن غزته سی) سکوته مجبور ایتمشدر. ایلری غزته سی ده وقتک بعض نشریاتی تأیید ایتمشدر. رشدی بک انقره دن کوندردیکی بر مکتوبله شخصی علمینده کی اسناداتی تمامیه رد وتکذیب ایتمش، دونمه لر حقنده وناکیه دوشدی، کل کوروندی دیمشدر.

## فوضای اجتماعی

ملنر ایچره موجب ضمرانه رهبرکدر

اقدام غزته سنک صاحبی احمد جودت بک یازیور :

« جهانک الک مکمل اداره حریتکارانه سنه زمین اولان اسویچره جمهوریتی، کوچوکلیکله برابر نظر دقته آلتغه شایان معناً بویوک برملکتدر. اوراده لایالی عائله لک حیاتیله اصل عائله لک حیاتی اعتبارلی وتلقیلری آراسنده بیوک یفرق وارددر. او یله عائله لک نزدینه برانجینی ک قبول ایدیله بیلدی بیلر بر مسئله در. مثلاً او عائله لر نه هر اکلیجه برینه کیده بیلیرلر، نه هر یرده دانس ایدیه بیلیرلر. متین عائله ارککرینه مخصوص بر نوع قلوبلر وارددرکه بورالر هرکس قبول ایدیلر واورالرده او یولر بیلر غایت معصومانه و اخلاق پرورانه در. حتی انوایدیه بیلر بوفرقلر کوزه چاربار. قوفه رانس ائاسنده بولوندیغین بیوک هوتله بر بار واردی. فقط اورایه علی الاکثر اجنبیلر کلدیکی ایچون براسویچره عائله سنک اورایه برآیاق آتدقیری کورمه دم. بعض یرلرده دانسلر واردی. اورایه اجنبیلر کیدرلردی. فقط اسویچره ملی قاپالی عائله لر اوکی برلر قبودن بیلر باقمازلردی. اولرک کندیلرینه مخصوص اجتماعاقلری وارددر. کندیلرینک کیده بیلر جکری اککجه لری وارددر. دیمک ایستهرم که بر اجتماعی حیات وارددرکه اورالرده خصوصی معاشرت قانونلری، نظاملری حکم فرمادر. بناء علیه حیات عمومی بر طاقم قواعد ایله نظام وانتظامی بولور. هرمانکی برکیمسه موقع اجتماعینی ضایع ایتمه مکه چالیشیر. بوموقع نه زنکینلکله قازانیلیر، نه ده فقرالقه غائب ایدیلیر. اورالری ایچون لازم اولان شی، نجات سجه در، تمبیردیگرله تربیه در. همین بیلیرز که برطاقم مؤلفلر وارددرکه اولرک اثرلری هر عائله نک صالونه قبول ایدیلر. اولرلی اوقومق عیب صایلیر. بن بویکی قواعدک مملکتیزده دخی صرعی اولماسنی ایستهرم. »

ایدنلر یاقین زمانده المی اوبوب بنی تقدیر وتقدیس ایدمه جکلردر. ومن الله التوفیق.

انقره :

محمد قره قاش زاده رشدی

\*\*\*

مومی الیه رشدی بک، غازی مصطفی کمال پاشا حضرتلرینه شو هر ایضه بنی تقدیم ایتمشدر :

سوکلی رئیس جمهور بمنز غازی پاشا حضرتلرینه

عن اصل سلائیکه دونمه تمبیر ایدیلن محمد قره قاش زاده لردن رشدی بنده کرم. عصرلردن بری شو مبارک وطنک نان ونعمتیه تورکلر سایه سنده پرورده اولان رجوق مختلف عرقلرکی بزدره حیات وموجودیتیزی محافظه ایدمه کلشیر. اسکی حکومتلرک مفکوره سنر، مقصد سنر طرز اداره لری دکل غیر تورک عناصری، اساس ومسنده اولان تورک ملتک دخی مقدراتیه اشتغال ایله مدیکی مع التأسف معلوم دولتلریدر. ماضینک سیثاتی تاریخه قاریشمشدر. بویکون سایه دولتکیزده بکی برکونش، بکی بر مفکوره طلوع ایتمشدر. آرتق یکانه موضوع بحث اولان مسئله تورک وتورک وطنیدر. بونک مستقبل خطوطی چیزمکده اولان ذات دولتری شبهه سزدرکه تورکلک غایه سنی اساس اتحاد ایتدیکنر. تورکیا بویوک ملت مجلسی، تورکیا جمهوریتی وحدود ملی کبی موضوعات، مستقبل فکرلریکنرک ماهیتی کوسترمکده در. البته که بو حدود داخنده پشایه جق اولان انسانلرک مشترک بر وجدان ملیسی بولونماسنی عمده قبول ایتدیکنر. بو اساساتک تثبیت ایدیلکی شو صیراده بز دونمه لک دخی نظر سیاستکیزدن اوزاق قالمایه جنی فناعتنده م... دونمه لک نه عرفاً ونه دیناً تورکلرله مادی ومعنوی اشتراکیز یوقدر. بونک مادی جهتی جله جه معلوم ومسلم ایسه ده، معنوی جهتی بالکنر بنده کیز کی قبیله آره سنده یتیمش انسانلرک بیلرکی واثبات ایدمه جکی برکیفیتدر.

آرتق کیزلی ائتلاف وکیزلی معاهدات سیاسیه نک قالدقه اولدینی شو عصرده بویوک برکیت تشکیل ایتمین دونمه لکک دخی طیش وایچ یوزلرینک میدان علنیه قونولا جنی برزمانده بولونیورز.

دونمه لک اسکسی کبی حدود ملی داخنده متکاتف ومشکل برحاله قالا جق اولورسه بونک کرک تورکک مفکوره سی وکرک دونمه لک یتیمش متکامل منورلری اوزرنده سوء تأثیردن آزاده قالمایه جنی جهته بومسئله نک سالم برصورتده قطعاً حلی وزمان ریاست دولتکیزده یازدیکنر بویوک تورک تاریخنه بر فصل مخصوص علاوه سی صورتیه حال حاضرده مع التأسف موجود آریلق وغیر یلغک احسانه دوغرو اشارت دولتلرینک لطف وعنایت بویورولماسی وبویاده مناسب کورولدیکی تقدیرده داها مفصل عرض معلومات سنننده حضور دولتکیزه لطف قبولی نیاز واسترحام ایلرم افندم حضرتلری.

\*\*\*

رشدی بکک بویاکنجی مکتوبی مناسبتیه (وقت) غزته سی دییورکه : « رشدی بکک بوتشبی اوزرینه مختلف غزته لرله بوتون علمدارانه یازیلرده بر نقطه ده رشدی بکک براتفاق وارددرکه اوده عصرلرجه اول امتدالریک اعلانندن بری غریب وشایان دقت بر استئنا اوله رق «دونه» عنوانی هنوز اونوتدیرمامش اولان بو عائله لک یالکنر حیات ومعاشرتلرنده دکل، مناسک دینه لرنده ده برآریلق غیر یلغک محافظه ایتش اولدقیری در. « مسئله نک مفتاحی حال حاضرک تمین وتثبیتده دیمکدر. بونک ایچون رشدی بکک تکلیفی بز « ملت اره سنده بر تفرقه ونفاق » دییه لک کوزیله کورمه یورز. »

\*\*\*